



Kè xôna a romileng ditona tša xaxwe xo phatlalala le dithšaba, xore di tlalê ka xo hle di tšee naxa. Dithšaba tše dingwe tša tla bodikêla-tšatši xo axa xona. Tše dingwe tša ya Bohlaba-tšatši. Tše dingwe xape tša x butamela dinaxa tša Baxananwa, le Batlokwa, le Batswetla. Ditona tše ka moka di be di dumeletšwe lebollo la tšona. Fêla ditaba tše dikxolo ba diiša mošatê o moxolo xo ohlolêlwa xôna.

Ka mokxwe o byalo sethšaba sa tšea maatla, xomme sa kxwahla xaxolo, xomme dinaxa tša sôna ya ba tše dikxolo

Xomme xwa direxa ka moraxo, xe babelle kxoši e ngwe e mphsa ya bôna kxoši yeo ya xane xo khunêlwa diala tše boxoši. Xobane ka mokxwa wa boxoši bya kxalê ò be a thswanetše xo kôpana le badimo ba xabo. Xomme fao a thsoxa xaxolo. Me ka mokxwe o byalo a palelwa xo phêtha tše tša boxoši me a thšaba. Ba mo latela; xomme xe ba mo thswere, ba mmušetša mošate. Eupya xa e le modirô wo wa xo kxahlana le badimo ba sethšaba ntlong ya boxoši wa mo palêla ruri. O be a thšaba badimo bao, xobane ba iponexetša ka sehopexô sa dinôxa. Xomme ba mo fa leina la "mothšabi", ba re "O thšabile boxoši. Xomme ké' ka molato wa ditaba tše tša xaxwe, xe sethšaba se thomile xo fôkôla le xo boyela moraxo. Ba re: "Badimo ba thoxetše sethšaba!" Poifô ya kxoši ya mo hlokiša maatla a xo tiiša boxoši bya xaxwe. Ditona tša thôma xo monyatša. Xape tša xuna xo ipea ka tlase xa xaxwe ka thswanêlô. Sa mafêlêlô ba mo tloxêla, xomme ba ya ba ikxôthele dikxô dikxoši tše dingwe tše maatla tše, ba axileng kraufsi le dithšaba tša tsôna, xomme ba kxomarela dikxoši tše maatla tše.

Ser 666

Ba ba bangwe xape ba thōma xo ipuša ka nooši. Ka mokxwa o byalo maatla a sothšaba a fōkōtšexa xaxolo. Xwa ba xwa šala sethsaba se senyane fēla. Ke sona se thšaba sa Tauyatswalwa. Baba aroxanexo le sōna ka lebaka lela, ke Kōbe a morua-a-naro, sekxoba-dinaxa-a-tloxa.

le maela a molaba. Ke yena sodi le lexolo maela ra le phuša la tswa xoxaxana nonyana la tšwa Nthsa (Phuti) ra xo welela. Ke yena xa a tseba xo dula naxa maela o dutše mekwakwaileng mebileng ya dikoloi. Ra sekwxeele sa thōka maela se se reng se ile madišō ba a šala ba se nyakela xore re kixxšškkk tlo sōka kang meroko. Ke yena Morwa mmaphalana dikxomo difeta maela xa a dibōna, aka dibōna molaba a ka thōpa morwa mmaphalana le mmamadi, le Lehong mokxōpha a kwena. Rakwena Nwela mafotlo a šale se xolo xa se e sohle bo dibeng. Le Serumula sa moloi a mosima motho wa raka tša pudi se dibone xo bataxana bo nwang bo xare xa hloxo. le maunatlala a bodiba seseku ra mokōbane. le Sebone Mahlo a Babirwa le Makhura a Molaba a Thšukudu makhura xa a ya Tsepalē o kxatla ka Lērō (patla) la thšipi se hlakō a rwele morudu.

Š Sethšaba se se setšeng sa sala e le se se nyenganele sōna sa tšwa diripa tše pedi. Ka baka la xo lwela boxoši ka ntlong ye kxoloxwa seke xwa tswala Mošimane e be ele mosetsana Ke moo xo thomileng Moferēfērē. Ba ba ngwe ba re "Mosetsana yo ke yena kxoši o tla tswala Mošimane ya ba xona makxa-o xano.

Ba xo ema le mosetsana yo leina la xaxwe e beng ele Motepa ya ba ba xadotepa.

Ser 666

Ba le ba buswa ke kxoší Ngakô ka lôna lebaka leo Matebele a boêla a e tla xo xapa dikxomo. Fêla.

Ba Tauyatswalwa baipona sebaka sa xo thsáaba. Ba rêta

kxosi ya bona ka dirêtô tsa xore

Mirwa wa mmatotôlê molotôla mphalê

Moxana pudi e ja mphale

Sese sweu bafa Mabowa,

Mafsi a kxomo xa ba fe

Phukhula! Rakxomo! Di síisa mosupi

Kxomo dipalela Matebele!

xomme kxoší Ngwako a bolawa ke Nare ka letsatši le lengwe, xe ba ile xo tsoma. A latelwa ke Kxabedi sebohlale sa xa ngakô, Sebohlale o ~~xxx~~ hloma maru thabeng o hlome makxwareng o ba o kame o kame bo Ditathsu tsa Malôba. Yena a la telwa ke Kxobuki boxošing. Yena o hwile ka ngwaxa wa 1907. Xomme xwa sala lesoxana, morwa wa xaxwe. Bare ke Moyaxabo Tauyatswala. A tsena Sekoli kwa Mmakxodu, 'mme a kolobetswa ke moruti Jonas, 'me a amoxelwa ka leina la Samson. Lebaka ka moka xe e sale e monyane, xo be xo buša Sekhwiri wa ntlo ya bobedi ya kxoší. Xa e le lehono sethsáaba sa Tauya-tswala se fetoxile, 'me ya ba batho ba bafsa le ka mekxwa leka mediro ya bôna. Ba tlošitše lebollo le dipino tsa seheitene, le di nntši tsa mesepelo ya mebe ya kxalê.

End. S. 666

Ba axile Kêrêkê, xape bona le sekolo.